

<https://news.usm.my>

Berita Mutakhir

23  
APR

## 1,130 ORANG GRADUAN TERIMA IJAZAH KONVOKESYEN KE-51

Seramai 1,130 orang graduan akan menerima ijazah masing-masing dalam Upacara Konvokesyen Ke-51 Universiti Sains Malaysia (USM) bermula Sabtu ini, jam 10.00 pagi bertempat di Dewan Tunku Syed Putra (DTSP), Pulau Pinang.

D.Y.M.M Tuanku Syed Sirajuddin Ibni Almarhum Tuanku Syed Putra Jamalullail akan menyampaikan ijazah kepada 262 orang siswazah ijazah Doktor Falsafah, Doktor Kesihatan Awam dan Doktor Pentadbiran Awam. Antara yang menerima ijazah ialah Datuk Chamil Wariya seorang tokoh kewartawanan dan media serta 12 orang pensyarah dari Universitas International Batam, (UIB) Indonesia.

Sidang Kedua pula akan diadakan pada jam 3.00 petang pada hari yang sama, 25 April 2015 yang dipengerusikan oleh Pro Canselor Tan Sri Datuk Mustafa Mansur yang akan menyampaikan ijazah kepada 505 orang graduan sarjana.

Manakala Sidang Ketiga akan dipengerusikan oleh Pro Canselor Tan Sri Dato' M. Jegathesan yang akan menyampaikan ijazah kepada 363 orang graduan ijazah pertama.

Keseluruhannya USM telah menghasilkan 22,715 orang siswazah ijazah tinggi dan 122,318 orang siswazah ijazah pertama. Teks: Mohamad Abdullah



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my \(mailto:pro@usm.my\)](mailto:pro@usm.my)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015